



საქართველოს რეგიონული განვითარებისა და ინფრასტრუქტურის სამინისტრო  
**საქართველოს საავტომობილო გზების დეპარტამენტი**

N 2-08/19269  
19/11/2021

19269-2-08-2-202111191924



საქართველოს გარემოს დაცვისა და სოფლის  
მეურნეობის მინისტრის მოადგილეს  
ქალბატონ ნინო თანდილაშვილს

**ქალბატონო ნინო,**

მოგესხნებათ, რომ საერთაშორისო მნიშვნელობის E-60 ავტომაგისტრალის (F3) უბისა-შორაპანის მონაკვეთის მშენებლობის განხორციელების დროს გამონამუშევარი ფუჭი ქანების №13 სანაყაროს გაფართოების მოწყობის პროექტი შეთანხმებული იქნა თქვენი 2021 წლის 17 ნოემბრის N11896/01 წერილით და აღნიშნულთან დაკავშირებით გაცნობებთ, რომ ხსენებული სანაყაროს განთავსების ტერიტორია მოიცავს მოქმედი ხევის (მდინარე ვანცაძისდელე) კალაპოტს და მის მიერ ფორმირებულ ხეობას, ერთ-ერთ მთავარ საკითხს სანაყაროს მოწყობის უბნიდან ხეობაში გამავალი მდინარის ნაკადის მოცილება წარმოადგენს. ამ მიზნით დაგეგმილია სანაყაროს პერიმეტრის მაღალ ნიშნულზე, არსებულ ხევზე მცირე ზომის წყალმიმღების მოწყობა. წყალმიმღების საშუალებით ხევის ბუნებრივი ჩამონადენი გადამისამართდება პროექტით გათვალისწინებულ ხელოვნურ არხში. ხელოვნური არხის საშუალებით ხევის წყალი იმოდრავებს სანაყაროს პერიმეტრის გვერდის ავლით. აღნიშნულმა ღონისძიებებმა, გამონამუშევარი ფუჭი ქანების გაზრდილი მოცულობების მიუხედავად უნდა უზრუნველყოს როგორც სანაყაროს პერიმეტრის, ასევე მიმდებარე ფერდობების და ქვედა ნიშნულებზე არსებული ტერიტორიების დაცვა წყალდიდობის, დატბორვისა და ეროზიული პროცესებისგან.

საქართველოს კანონის „გარემოსდაცვითი შეფასების კოდექსის“ შესაბამისად, სკრინინგის პროცედურისთვის, ელექტრონული სახით გიგზავნით, აღნიშნულ პროექტზე სათანადო ინფორმაციას და გთხოვთ, კომპეტენციის ფარგლებში განიხილოთ და წარმოგიდგინოთ

თქვენი გადაწყვეტილება გარემოზე ზემოქმედების შეფასების დოკუმენტის მომზადების საჭიროებასთან დაკავშირებით.

დანართი: სკრინინგის ანგარიშის ელექტრონული ვერსია.

პატივისცემით,

სალომე წურჭუმია



დეპარტამენტის თავმჯდომარის მოადგილე

